

Na osnovu članova 27. i 186., a u vezi s članovima 179. i 181. Pravila Univerziteta u Sarajevu – Fakulteta islamskih nauka, Vijeće Univerziteta u Sarajevu – Fakulteta islamskih nauka je na 11. redovnoj sjednici u akademskoj 2024/25. održanoj 03. 9. 2025. usvojilo:

## **PRAVILNIK O PRIZNANJIMA UNIVERZITETA U SARAJEVU – FAKULTETA ISLAMSKIH NAUKA**

### **I OPĆE ODREDBE**

#### **Član 1. (Predmet Pravilnika)**

Pravilnikom o priznanjima Univerziteta u Sarajevu – Fakulteta islamskih nauka (u daljnjem tekstu: Pravilnik) uređuju se vrste priznanja na Univerzitetu u Sarajevu – Fakultetu islamskih nauka (u daljnjem tekstu: Fakultet), kriteriji i način njihove dodjele i druga pitanja od značaja u postupku dodjele priznanja.

#### **Član 2. (Gramatička terminologija)**

Gramatička terminologija kojom se označava muški ili ženski spol u ovom Pravilniku uključuje oba spola.

#### **Član 3. (Cilj Pravilnika)**

Cilj ovog Pravilnika je podsticanje i nagrađivanje izvrsnosti na svim područjima rada Fakulteta (nastava, naučnoistraživački i naučnostručni rad, međunarodna saradnja i društveni doprinos), kao i promoviranje ugleda i djelovanja Fakulteta na domaćem i međunarodnom nivou.

#### **Član 4. (Novčane nagrade)**

- (1) Priznanja koja se uređuju ovim Pravilnikom, izuzev priznanja koja se dodjeljuju povodom penzionisanja radnika Fakulteta, priznanja alumnistima i drugim pojedincima i organizacijama, obuhvataju i novčanu nagradu, u skladu s finansijskim mogućnostima Fakulteta.
- (2) Iznosi novčanih nagrada iz stava (1) ovog člana utvrđuju se odlukom Upravnog odbora Fakulteta.

### **II VRSTE PRIZNANJA, PERIODI I OPĆI KRITERIJI DODJELE**

#### **Član 5. (Vrste priznanja)**

- (1) Priznanja koja se dodjeljuju na Fakultetu su:
  - a) priznanja nastavnicima (redovnim profesorima, vanrednim profesorima i docentima), saradnicima (lektorima, višim asistentima i asistentima) koji su u radnom odnosu na Fakultetu i spoljnim saradnicima Fakulteta;
  - b) priznanja i nagrade nenastavnom osoblju (stručnom, administrativnom i tehničkom osoblju);
  - c) priznanja i nagrade studentima;

- d) povelje zahvalnosti.
- (2) Uz sva priznanja iz člana (1) stavova a) – c) dodjeljuju se novčane nagrade, u skladu s s finansijskim mogućnostima Fakulteta.
- (3) Iznose novčanih nagrada utvrđuje Upravni odbor Fakulteta, na prijedlog dekana.
- (4) Priznanja iz stava (1) ovog člana neće biti dodijeljena u slučajevima:
- (a) kada nisu ispunjeni kriteriji za dodjelu priznanja normirani odredbama ovog Pravilnika i
  - (b) kada nije bilo prijavljenih kandidata za dodjelu priznanja (nastavnicima za višegodišnje razdoblje, studentima za najbolji akademski rad).

#### **Član 6.**

##### **(Vrste priznanja nastavnom osoblju)**

Nastavnom osoblju dodjeljuju se sljedeća priznanja:

- (1) Priznanja za višegodišnje razdoblje:
- (a) priznanje za životno djelo u naučno-nastavnim zvanjima;
  - (b) priznanje za posebna dostignuća i izvrsnost u nauci;
  - (c) priznanje za društveni doprinos.
- (2) Priznanja za godišnje razdoblje:
- (a) priznanje za nastavni rad i
  - (b) priznanje za naučni i naučno-stručni rad, međunarodnu i međuniverzitetsku saradnju i doprinos internacionalizaciji Fakulteta.

#### **Član 7.**

##### **(Priznanje za životno djelo)**

- (1) Priznanje za životno djelo dodjeljuje se nastavnicima u zvanju redovnog profesora koji su svojim dugogodišnjim radom i djelom dali izniman doprinos radu Fakulteta, te su promovirali ugled i položaj Fakulteta u zemlji i inozemstvu. Nagrada se odnosi na višegodišnje (decenijsko) razdoblje.
- (2) Priznanje iz stava (1) donosi se na temelju vrednovanja sveukupnih postignuća i doprinosa nastavnika na polju:
- (a) nastavnog rada;
  - (b) naučnoistraživačkog i naučnostručnog rada;
  - (c) doprinosa internacionalizaciji Fakulteta i
  - (d) društvenog doprinosa.
- (3) Priznanje iz stava (1) ovog člana može se dodijeliti nastavniku samo jedanput.

#### **Član 8.**

##### **(Priznanje za izvrsnost u nauci)**

- (1) Priznanje za posebna dostignuća i izvrsnost u nauci dodjeljuje se nastavnicima Fakulteta (redovnim profesorima i vanrednim profesorima) na temelju sljedećih općih kriterija:
- (a) ukupan broj i tip objavljenih recenziranih naučnih radova i knjiga;
  - (b) indeksiranost i citiranost objavljenih naučnih radova;
  - (c) vođenje i sudjelovanje u naučnoistraživačkim projektima;
  - (d) aktivno učešće na naučnim skupovima i
  - (e) međunarodni aspekt naučnoistraživačkog rada, uključujući objave u međunarodnim časopisima i knjigama.
- (2) Prilikom utvrđivanja citiranosti nastavnika uzimaju se u obzir bibliometrijski pokazatelji kao što su ukupan broj citata, h-indeks i drugi pokazatelji produktivnosti i utjecaja istraživača.

- (3) Priznanje iz stava (1) ovog člana dodjeljuje se jednom u pet godina i odnosi se na period od prethodnih pet godina.
- (4) Svaki nastavnik može primiti ovo priznanje najviše jednom u deset godina.

**Član 9.**  
**(Priznanje za društveni doprinos)**

- (1) Priznanje za društveni doprinos dodjeljuje se najbolje ocijenjenim nastavnicima (prvi, drugi i treći) i saradnicima (prvi) u radnom odnosu na Fakultetu koji su pružili naročit institucionalni doprinos djelovanju i razvoju Fakulteta, Univerziteta u Sarajevu (u daljnjem tekstu: Univerzitet), Islamske zajednice u Bosni i Hercegovini ili široj društvenoj zajednici, s posebnim naglaskom na doprinos koji je u službi islamskog djelovanja i razvoja obrazovanja i nauke u zajednici.
- (3) Priznanje iz stava (1) ovog člana dodjeljuje se jednom u pet godina i odnosi se na period od prethodnih pet godina.
- (4) Svaki nastavnik može primiti ovo priznanje najviše jednom u deset godina.

**Član 10.**  
**(Priznanje za nastavni rad)**

- (1) Priznanje za nastavni rad dodjeljuje se najbolje ocijenjenim nastavnicima (prvi, drugi i treći) i saradnicima (prvi, drugi i treći) u radnom odnosu na Fakultetu i spoljnim saradnicima Fakulteta (prvi), na temelju sljedećih općih kriterija:
- (a) ocjena nastavnog rada u okviru semestralne evaluacije nastave u toku jedne akademske godine;
  - (b) opterećenost preko nastavne norme, pod uslovom da Fakultet ne raspolaže finansijskim resursima ili nema saglasnost Osnivača/nadležnog ministarstva za zaposlenje ili honorarni angažman drugog nastavnika;
  - (c) objavljeni recenzirani nastavni materijali/didaktički resursi za potrebe visokoškolske nastave;
  - (d) uključivanje studenata u naučnoistraživačke i stručne projekte;
  - (e) mentorstvo završnih radova studenata II ciklusa studija i
  - (f) članstvo u komisijama za ocjenu i odbranu završnih radova studenata II ciklusa studija.
- (2) Priznanje iz stava (1) ovog člana dodjeljuje se ukoliko je prosječna ocjena rada nastavnika i saradnika u okviru semestralne evaluacije nastave bila veća od 4,00.
- (3) Nastavni materijali/ didaktički resursi iz stava (1) alineje (c) ovog člana obuhvataju recenzirane udžbenike, priručnike, praktikume, zbirke zadataka, video predavanja, video prezentacije, softvere, aplikacije, multimedijalne kvizove i druge štampane i digitalne resurse i alate za podučavanje i učenje.
- (4) Priznanje iz stava (1) ovog člana dodjeljuje se za jednu akademsku godinu.

**Član 11.**  
**(Priznanje za naučni/ naučno-stručni rad, međunarodnu/ međuuniverzitetsku mobilnost i doprinos internacionalizaciji Fakulteta)**

- (1) Priznanje za naučni/ naučno-stručni rad, međunarodnu/ međuuniverzitetsku mobilnost i doprinos internacionalizaciji Fakulteta dodjeljuje se najbolje ocijenjenim nastavnicima (prvi, drugi i treći) i saradnicima (prvi) u radnom odnosu na Fakultetu, na osnovu sljedećih općih kriterija:

- (a) objavljene knjige i poglavlja u knjigama u izdanju svjetskih izdavačkih kuća i radovi u naučnim časopisima koje registrišu citatne baze podataka;
  - (b) objavljene naučne i naučno-stručne knjige i poglavlja u knjigama;
  - (c) objavljeni radovi u naučnim časopisima;
  - (d) učešće u naučnoistraživačkim i stručnim projektima;
  - (e) učešće u organiziranju i nastupanje na naučnim i stručnim skupovima;
  - (f) mentorstva i članstva u komisijama na doktorskom studiju;
  - (g) rezultati evaluacije mentorskog rada na doktorskom studiju;
  - (h) prijevodi, uredništva, recenzije i redakture i
  - (i) međunarodna i međuuniverzitetska nastavna/ istraživačka/ administrativna mobilnost i doprinos internacionalizaciji Fakulteta.
- (2) Priznanje iz stava (1) ovog člana dodjeljuje se za razdoblje od jedne (1) kalendarske godine.

### **III POSEBNI KRITERIJI VREDNOVANJA RADA U SVRHU DODJELE PRIZNANJA NASTAVNOM OSOBLJU**

#### **Član 12.**

#### **(Posebni kriteriji vrednovanja nastavnog rada)**

- (1) Nastavnik/saradnik ostvaruje određeni broj bodova na temelju semestralne evaluacije nastave, i to:
  - (a) prosječna ocjena 4,81 – 5,00 vrednuje se sa 3 boda;
  - (b) prosječna ocjena 4,51 – 4,80 vrednuje se sa 2 boda;
  - (c) prosječna ocjena 4,01 – 4,50 vrednuje se sa 1 bod.
- (2) Nastavnik/saradnik ostvaruje dodatno 1 bod ako su, u okviru evaluacije nastave, njegovi kriteriji vrednovanja postignuća studenata u procentu većem od 50% ocijenjeni „visokim“ (na skali evaluacijskog upitnika: „visoki – prosječni – niski“).
- (3) Nastavnik/saradnik ostvaruje dodatno 1 bod, ako je u okviru evaluacije nastave, u procentu većem od 50% ocijenjen da „u potpunosti“ zahtijeva pripremu studenata za nastavu (na skali evaluacijskog upitnika: „u potpunosti da - uglavnom da - uglavnom ne - uopće ne“).
- (4) Bodovi ostvareni u okviru evaluacije nastave u zimskom i ljetnom semestru akademske godine računaju se kumulativno prilikom vrednovanja nastavnog rada.
- (5) Opterećenost preko nastavne norme vrednuje se 1 bodom, pod uslovom da podrazumijeva izvođenje najmanje jednog dodatnog nastavnog predmeta i da Fakultet ne raspolaže finansijskim resursima ili nema saglasnost Osnivača/nadležnog ministarstva za zaposlenje ili honorarni angažman drugog nastavnika.
- (6) Objavljeni recenzirani nastavni materijali za potrebe visokoškolske nastave:
  - (a) autorstvo objavljenog udžbenika vrednuje se sa 6 bodova;
  - (b) autorstvo objavljenog priručnika/praktikuma/zbirke zadataka vrednuje se sa 4 boda;
  - (c) autorstvo softvera/aplikacije vrednuje se sa 3 boda;
  - (d) autorstvo objavljenih skripti vrednuje se sa 1 bod;
  - (e) autorstvo objavljenog video predavanja/ video prezentacije/ multimedijalnog kviza/ drugog digitalnog sadržaja/alata za podučavanje i učenje vrednuje se sa 0,5 bodova.
- (7) Udžbenici i druge publikacije iz stava (6) ovog člana vrednuju se sa dodatnih 1 bod ako imaju status univerzitetskog izdanja, te 2 boda ako su pisani za potrebe izvođenja nastave na studijskom programu koji se izvodi na stranom jeziku.
- (8) Broj ostvarenih bodova za publikacije/digitalne sadržaje iz stava (6) dijeli se sa brojem autora.
- (9) Digitalni sadržaji/alati za podučavanje i učenje iz stava (6) vrednuju se pod uslovom da prate nastavni program predmeta i da su objavljeni na e-platформи Fakulteta.

- (10) Uključivanje studenata u naučnoistraživačke i stručne projekte vrednuje se sa 1 bodom po realiziranom domaćem projektu, odn. 1,5 bod po realiziranom međunarodnom projektu, s tim da ukupan zbir bodova ne može prelaziti 3 bez obzira na broj projekata.
- (11) Mentorstvo završnih radova studenata II ciklusa vrednuje se sa 1 bod, s tim da ukupan zbir bodova ne može prelaziti 3 bez obzira na broj završnih radova.
- (12) Članstvo u komisijama za ocjenu i odbranu završnih radova studenata II ciklusa studija vrednuje se sa 0,5 bodova, s tim da ukupan zbir bodova ne može prelaziti 1 bod bez obzira na broj završnih radova.

### Član 13.

#### Posebni kriteriji vrednovanja naučnog i naučno-stručnog rada

Vrednovanje naučnog i naučno-stručnog rada, u svrhu dodjele priznanja i nagrada akademskom osoblju Fakulteta, vrši se na osnovu sljedećih kriterija:

#### a) Objavljene knjige i poglavlja u knjigama u izdanju svjetskih izdavačkih kuća i radovi u naučnim časopisima koje registrišu citatne baze podataka

| Red. br. | Aktivnost                                                                                                                                                                                                                                                           | Broj bodova | Vrednovanje koautorstva                 |
|----------|---------------------------------------------------------------------------------------------------------------------------------------------------------------------------------------------------------------------------------------------------------------------|-------------|-----------------------------------------|
| 1.       | Objavljena autorska/koautorska naučna knjiga/monografija u izdanju svjetske izdavačke kuće, u skladu s kriterijima <i>Pravilnika o nagrađivanju akademskog i naučnoistraživačkog osoblja Univerziteta u Sarajevu na osnovu rezultata naučnog/umjetničkog rada</i>   | 15 bodova   | Broj bodova dijeli se sa brojem autora. |
| 2.       | Objavljeno poglavlje u naučnoj monografiji/knjizi/časopisu u izdanju svjetske izdavačke kuće, u skladu s kriterijima <i>Pravilnika o nagrađivanju akademskog i naučnoistraživačkog osoblja Univerziteta u Sarajevu na osnovu rezultata naučnog/umjetničkog rada</i> | 5 bodova    |                                         |
| 3.       | Objavljen naučni rad u časopisima koje registrišu citatne baze Scopus i Web of Science (WoS)                                                                                                                                                                        | 5 bodova    |                                         |

#### b) Objavljene knjige i poglavlja u knjigama

| Red. br. | Aktivnost                                                               | Broj bodova | Vrednovanje koautorstva                 |
|----------|-------------------------------------------------------------------------|-------------|-----------------------------------------|
| 1.       | Objavljena recenzirana autorska/koautorska naučna knjiga/monografija    | 10 bodova   | Broj bodova dijeli se sa brojem autora. |
| 2.       | Objavljeno poglavlje u uređenoj i recenziranoj knjizi ( <i>edited</i> ) | 3 boda      |                                         |

|  |                                                                               |  |  |
|--|-------------------------------------------------------------------------------|--|--|
|  | book)/recenziranom konferencijskom zborniku ( <i>conference proceedings</i> ) |  |  |
|--|-------------------------------------------------------------------------------|--|--|

**c) Objavljeni radovi u naučnim časopisima**

| Red. br. | Aktivnost                                                                                                                         | Broj bodova | Vrednovanje koautorstva                 |
|----------|-----------------------------------------------------------------------------------------------------------------------------------|-------------|-----------------------------------------|
| 1.       | Objavljeni autorski/koautorski naučni/stručni rad u naučnom časopisu koji je indeksiran u međunarodnoj bazi podataka              | 3 boda      | Broj bodova dijeli se sa brojem autora. |
| 2.       | Objavljeni recenziran autorski/koautorski naučni/stručni rad u naučnom časopisu koji nije indeksiran u međunarodnoj bazi podataka | 1 bod       |                                         |

**d) Učešće u naučnoistraživačkim i stručnim projektima**

| Red. br. | Aktivnost                                          | Broj bodova | Vrednovanje vođenja projekata u slučaju više voditelja projekta |
|----------|----------------------------------------------------|-------------|-----------------------------------------------------------------|
| 1.       | Vođenje međunarodnog naučnoistraživačkog projekta  | 8 bodova    | Broj bodova dijeli se sa brojem voditelja projekta.             |
| 2.       | Učešće u međunarodnom naučnoistraživačkom projektu | 6 bodova    |                                                                 |
| 3.       | Vođenje domaćeg naučnoistraživačkog projekta       | 6 bodova    |                                                                 |
| 4.       | Učešće u domaćem naučnoistraživačkom projektu      | 4 boda      |                                                                 |
| 5.       | Vođenje međunarodnog stručnog projekta             | 3 boda      |                                                                 |
| 6.       | Učešće u međunarodnom stručnom projektu            | 2 boda      |                                                                 |
| 7.       | Vođenje domaćeg stručnog projekta                  | 2 boda      |                                                                 |
| 8.       | Učešće u domaćem stručnom projektu                 | 1 bod       |                                                                 |

**e) Učešće u organiziranju i izlaganje na naučnim i stručnim skupovima**

| Red. br. | Aktivnost                                                                                                                                         | Broj bodova                                                                 |
|----------|---------------------------------------------------------------------------------------------------------------------------------------------------|-----------------------------------------------------------------------------|
| 1.       | Učešće na međunarodnom naučnom skupu kao pozvani glavni govornik ( <i>keynote speaker</i> ), odn. jedan od glavnih govornika na skupu             | 4 boda                                                                      |
| 2.       | Učešće na međunarodnom naučnom skupu kao pozvani govornik ( <i>invited speaker</i> ) na određenom panelu koji nije među glavnim govornicima skupa | 3 boda                                                                      |
| 3.       | Učešće na međunarodnom naučnom skupu sa prijavljenim referatom                                                                                    | 2 boda                                                                      |
| 4.       | Učešće u organizacionom/naučnom odboru međunarodnog naučnog skupa                                                                                 | 1 bod                                                                       |
| 5.       | Moderiranje sesije međunarodnog naučnog skupa                                                                                                     | 1 bod                                                                       |
| 6.       | Držanje predavanja/vođenje radionice u okviru međunarodnih programa stručne edukacije (seminar, zimska ili ljetna škola i dr.)                    | 1 bod                                                                       |
| 7.       | Učešće na domaćem naučnom skupu sa referatom                                                                                                      | 1 bod                                                                       |
| 8.       | Učešće u organizacionom/naučnom odboru domaćeg naučnog skupa                                                                                      | 0,5 bodova                                                                  |
| 9.       | Moderiranje sesije domaćeg naučnog skupa                                                                                                          | 0,5 bodova                                                                  |
| 10.      | Držanje predavanja/vođenje radionice u okviru domaćih programa stručne edukacije (seminar, zimska ili ljetna škola i dr.)                         | 0,5 bodova (po gostovanju, s tim da ukupan zbir bodova ne može prelaziti 2) |
| 11.      | Nastupanje na stručnim skupovima (seminar, tribina, panel-diskusija) i promocijama knjiga                                                         | 0,5 bodova (po gostovanju, s tim da ukupan zbir bodova ne može prelaziti 2) |

**f) Mentorstva i članstva u komisijama na doktorskom studiju**

| Red. br. | Aktivnost                                                                                | Maksimalan broj bodova |
|----------|------------------------------------------------------------------------------------------|------------------------|
| 1.       | Mentorstvo doktorske disertacije na inostranom univerzitetu                              | 4 boda                 |
| 2.       | Članstvo u komisiji za ocjenu i odbranu doktorske disertacije na inostranom univerzitetu | 2 boda                 |
| 3.       | Mentorstvo doktorske disertacije na domaćem univerzitetu                                 | 3 boda                 |

|    |                                                                                       |            |
|----|---------------------------------------------------------------------------------------|------------|
| 4. | Članstvo u komisiji za ocjenu i odbranu doktorske disertacije na domaćem univerzitetu | 1,5 bodova |
|----|---------------------------------------------------------------------------------------|------------|

**g) Rezultati evaluacije mentorskog rada na doktorskom studiju**

| Red. br. | Prosjek ocjene mentorskog rada | Maksimalan broj bodova |
|----------|--------------------------------|------------------------|
| 1.       | 4,81 – 5,00                    | 3 boda                 |
| 2.       | 4,51 – 4,80                    | 2 boda                 |
| 3.       | 4,01 – 4,50                    | 1 bod                  |

**h) Prijevodi, uredništva, recenzije i redakture**

| Red. br. | Aktivnost                                                                                                                                        | Maksimalan broj bodova                                                                        |
|----------|--------------------------------------------------------------------------------------------------------------------------------------------------|-----------------------------------------------------------------------------------------------|
| 1.       | Objavljivanje prijevoda naučne/naučno-stručne knjige iz uže naučne oblasti (naučne grane), sa redakturom                                         | 4 boda                                                                                        |
| 2.       | Objavljivanje prijevoda poglavlja naučne/naučno-stručne knjige/naučnog rada iz uže naučne oblasti (naučne grane), sa redakturom                  | 1 bod                                                                                         |
| 3.       | Uredništvo naučne/naučno-stručne knjige/ recenziranog konferencijskog zbornika/naučnog časopisa međunarodnog karaktera                           | 2 boda                                                                                        |
| 4.       | Uredništvo naučne/naučno-stručne knjige/ recenziranog konferencijskog zbornika/naučnog časopisa domaćeg karaktera                                | 1 bod                                                                                         |
| 5.       | Učešće u uređivačkom odboru/redakciji naučnog časopisa međunarodnog karaktera, s tim da ukupan zbir bodova po ovom kriteriju ne može prelaziti 3 | 1 bod (po časopisu, s tim da ukupan zbir bodova ne može prelaziti 2)                          |
| 6.       | Učešće u uređivačkom odboru/redakciji naučnog časopisa domaćeg karaktera                                                                         | 0,5 bodova (po časopisu, s tim da ukupan zbir bodova po ovom kriteriju ne može prelaziti 1,5) |
| 7.       | Recenzija naučne/naučno-stručne knjige/ konferencijskog zbornika                                                                                 | 1 bod                                                                                         |
| 8.       | Recenzija projekta za objavljivanje knjige u izdanju svjetske izdavačke kuće                                                                     | 1 bod                                                                                         |
| 9.       | Recenzija projekta za objavljivanje knjige                                                                                                       | 0,5 bodova                                                                                    |
| 10.      | Recenzija naučnog/stručnog rada objavljenog u međunarodnom naučnom časopisu                                                                      | 1 bod                                                                                         |

|     |                                                                                                    |            |
|-----|----------------------------------------------------------------------------------------------------|------------|
| 11. | Recenzija naučnog/stručnog rada objavljenog u domaćem naučnom časopisu                             | 0,5 bodova |
| 12. | Redaktura prijevoda naučne/naučno-stručne knjige                                                   | 1 bod      |
| 13. | Redaktura prijevoda poglavlja u naučnoj/naučno-stručnoj knjizi/rada objavljenog u naučnom časopisu | 0,5 bodova |

**i) Međunarodna i međuuniverzitetska nastavna/istraživačka/administrativna mobilnost i doprinos internacionalizaciji Fakulteta**

| Red. br. | Aktivnost                                                                                                                                                     | Broj bodova                                                                    |
|----------|---------------------------------------------------------------------------------------------------------------------------------------------------------------|--------------------------------------------------------------------------------|
| 1.       | Međunarodna odlazna nastavna/istraživačka mobilnost akademskog osoblja u trajanju dužem od šest mjeseci                                                       | 7 bodova                                                                       |
| 2.       | Međunarodna odlazna nastavna/istraživačka mobilnost akademskog osoblja u trajanju dužem od tri, pa do šest mjeseci                                            | 5 bodova                                                                       |
| 3.       | Međunarodna odlazna nastavna/istraživačka/administrativna mobilnost akademskog osoblja u trajanju od 11 dana do tri mjeseca                                   | 3 boda                                                                         |
| 4.       | Međunarodna odlazna nastavna/istraživačka/administrativna mobilnost akademskog osoblja u trajanju do deset dana                                               | 1 bod                                                                          |
| 5.       | Nastavni angažman na drugom univerzitetu u Bosni i Hercegovini                                                                                                | 1 bod (po nastavnom predmetu, s tim da ukupan zbir bodova ne može prelaziti 2) |
| 6.       | Gostovanje inozemnih predavača na nastavnom predmetu                                                                                                          | 1 bod (po gostovanju, s tim da ukupan zbir bodova ne može prelaziti 2)         |
| 7.       | Učešće u izradi elaborata sa nastavnim planom i programom studija na stranom jeziku; učešće u samoevaluaciji i reviziji studijskog programa na stranom jeziku | 4 boda                                                                         |
| 8.       | Izvođenje nastave na studijskom programu na stranom jeziku                                                                                                    | 2 boda po nastavnom predmetu                                                   |
| 9.       | Izvođenje konsultacija za strane studente koji borave na Fakultetu u okviru programa studentske mobilnosti                                                    | 1 bod po prijavljenom studentu                                                 |
| 10.      | Učešće u komisiji za izbor u akademsko zvanje na inostranom univerzitetu                                                                                      | 1 bod                                                                          |

**Član 14.**  
**Posebni kriteriji vrednovanja društvenog doprinosa**

(1) Društveni doprinos nastavnika/saradnika vrednuje se na temelju dokumentovanih aktivnosti u standardnom obrascu koji čini sastavi dio Registra iz člana 15. ovog Pravilnika, a koji obuhvata sljedeće obavezne elemente:

- (a) naziv i opis aktivnosti;
  - (b) instituciju unutar koje je realizirana aktivnost;
  - (c) period i intenzitet realizacije aktivnosti,
  - (d) ulogu nastavnika/saradnika u aktivnosti;
  - (e) ostvarene rezultate i
  - (f) relevantnu prateću dokumentaciju (potvrde, zapisnici, usvojene odluke, izvještaji i dr.).
- (2) Vrednovanje društvenog doprinosa, u svrhu dodjele priznanja i nagrada akademskom osoblju Fakulteta, vrši se za sljedeće angažmane:

| Red. br. | I Aktivnosti na planu razvoju nauke i obrazovanja u akademskim ustanovama                                                     | Značaj i utjecaj aktivnosti |
|----------|-------------------------------------------------------------------------------------------------------------------------------|-----------------------------|
| 1.       | Priprema zakona i podzakonskih propisa o obrazovanju i naučnoistraživačkoj djelatnosti/strategije razvoja nauke i obrazovanja | Strateški                   |
| 2.       | Rad na oblikovanju javnih obrazovnih politika                                                                                 | Strateški                   |
| 3.       | Izrada strategije Univerziteta/plana razvoja Fakulteta                                                                        | Strateški                   |
| 4.       | Doprinos uspostavljanju, funkcioniranju i razvoju sistema osiguranja i upravljanja kvalitetom na Univerzitetu/Fakultetu       | Strateški                   |
| 5.       | Osmišljavanje i vođenje/koordiniranje značajnih razvojnih i infrastrukturnih projekata Univerziteta/Fakulteta                 | Strateški                   |
| 6.       | Priprema/izrada propisa Univerziteta/Fakulteta                                                                                | Taktički                    |
| 7.       | Provođenje interne institucionalne evaluacije Univerziteta/samoevaluacije studijskih programa Fakulteta                       | Taktički                    |
| 8.       | Provođenje eksterne evaluacije u procesu akreditacije visokoškolskih ustanova/studijskih programa                             | Taktički                    |
| 9.       | Periodična revizija studijskih programa Fakulteta/nastavnih programa na nivou katedre                                         | Taktički                    |
| 10.      | Aktivnosti u okviru međunarodnih i domaćih naučnih i stručnih organizacija                                                    | Taktički                    |
| 11.      | Razvoj projekata saradnje sa alumnijima Fakulteta                                                                             | Taktički                    |
| 12.      | Razvoj i unapređenje izdavaštva Fakulteta                                                                                     | Taktički                    |
| 13.      | Razvoj projekata medijske prezentacije Fakulteta                                                                              | Taktički                    |
| 14.      | Osmišljavanje i vođenje/koordiniranje necikličnih edukativnih programa na Fakultetu                                           | Taktički                    |

|     |                                                                                                                                                   |            |
|-----|---------------------------------------------------------------------------------------------------------------------------------------------------|------------|
| 15. | Učešće u realizaciji projekata saradnje sa alumnijima/unapređenja izdavaštva/medijske prezentacije Fakulteta/necikličnih oblika obrazovanja i dr. | Operativni |
|-----|---------------------------------------------------------------------------------------------------------------------------------------------------|------------|

| Red. br. | II Aktivnosti na planu razvoja Islamske zajednice s fokusom na njenu odgojnoobrazovnu djelatnost                                                                          | Značaj i utjecaj aktivnosti |
|----------|---------------------------------------------------------------------------------------------------------------------------------------------------------------------------|-----------------------------|
| 16.      | Priprema strategije visokog obrazovanja i naučnoistraživačkog rada Islamske zajednice                                                                                     | Strateški                   |
| 17.      | Reforma visokog/srednjeg/osnovnog obrazovanja u Islamskoj zajednici                                                                                                       | Strateški                   |
| 18.      | Osmišljavanje i vođenje/koordiniranje značajnih razvojnih i infrastrukturnih projekata Islamske zajednice, posebno u segmentu njene odgojnoobrazovne djelatnosti          | Strateški                   |
| 19.      | Priprema nastavnog plana i programa/udžbenika za medrese/islamsku vjeronauku/mektepsku nastavu                                                                            | Taktički                    |
| 20.      | Osmišljavanje/priprema monitoringa odgojno-obrazovnog rada u medresama/mektebima/predškolskim ustanovama Islamske zajednice                                               | Taktički                    |
| 21.      | Učešće u realizaciji monitoringa odgojno-obrazovnog rada u medresama/mektebima/predškolskim ustanovama Islamske zajednice                                                 | Operativni                  |
| 22.      | Razvoj i unapređenje ustanova Islamske zajednice u svojstvu člana naučnog/upravnog/nadzornog odbora ustanove                                                              | Taktički                    |
| 23.      | Stručno-konsultantski angažman za Islamsku zajednicu i njene ustanove/ doprinos u okviru stručnih tijela Islamske zajednice                                               | Taktički                    |
| 24.      | Osmišljavanje/planiranje uredničke politike i partnerstava medija Islamske zajednice                                                                                      | Taktički                    |
| 25.      | Urednički/voditeljski angažman u medijima Islamske zajednice i ostalim medijima na osnovu sporazuma između medija i Islamske zajednice                                    | Operativni                  |
| 26.      | Nastupanje na digitalnim medijima/objavljivanje priloga u štampanim medijima Islamske zajednice i ostalim medijima na osnovu sporazuma između medija i Islamske zajednice | Operativni                  |
| 27.      | Osmišljavanje/priprema programa hifza Kur'ana                                                                                                                             | Taktički                    |
| 28.      | Mentorstvo hifza Kur'ana                                                                                                                                                  | Operativni                  |
| 29.      | Osmišljavanje/priprema takmičenja iz islamskih predmeta/disciplina (format takmičenja, metodologija ocjenjivanja i dr.)                                                   | Taktički                    |
| 30.      | Učešće u ocjenjivačkim komisijama na takmičenjima iz islamskih predmeta/disciplina                                                                                        | Taktički                    |

|     |                                                                                                                                                                                                                         |            |
|-----|-------------------------------------------------------------------------------------------------------------------------------------------------------------------------------------------------------------------------|------------|
| 31. | Osmišljavanje/priprema stručnih ispita za imame, nastavnike/profesore islamske vjeronauke, profesore predmeta islamskog područja u medresama i odgajatelja u učeničkim i studentskim domovima Islamske zajednice        | Taktički   |
| 32. | Učešće u komisijama za polaganje stručnih ispita imama, nastavnika/profesora islamske vjeronauke, profesora predmeta islamskog područja u medresama i odgajatelja u učeničkim i studentskim domovima Islamske zajednice | Operativni |
| 33. | Doprinos institucionalnom tumačenju islamskih normi putem fetvi/fikhskih odgovora                                                                                                                                       | Operativni |
| 34. | Kontinuiran angažman u svojstvu imama, hatiba ili vaiza                                                                                                                                                                 | Operativni |

| Red. br. | III Ostale aktivnosti                                                           | Značaj/utjecaj aktivnosti         |
|----------|---------------------------------------------------------------------------------|-----------------------------------|
| 35.      | Stručno-konsultantski angažman za potrebe drugih ustanova od društvenog značaja | Taktički                          |
| 36.      | Ostale aktivnosti kojima se pruža značajan društveni doprinos                   | Strateški/<br>taktički/operativni |

(3) Kriteriji za vrednovanje aktivnosti su:

- uloga i udio nastavnika/saradnika u aktivnosti: sudionik sa manjim doprinosom – 1 bod, sudionik sa većim doprinosom – 2 boda, voditelj – 3 boda;
- trajanje i intenzitet aktivnosti (kratkoročna, do 1 godine – 1 bod, srednjeročna, 1-3 godine – 2 boda i dugoročna, duže od 3 godine – 3 boda);
- institucionalni domet i opseg aktivnosti (katedra – 1 bod, Fakultet – 2 boda, Univerzitet/ Islamska zajednica/šira društvena zajednica – 3 boda).

(4) Koeficijenti za vrednovanje značaja/utjecaja aktivnosti iznose:

- za strateške aktivnosti (1,50);
- za taktičke aktivnosti (1,30) i
- za operativne aktivnosti (1,00).

(5) Strateške aktivnosti iz stava (4) obuhvataju one kojima se postavlja dugoročan smjer, alociraju resursi i kreiraju opća vizija i ciljevi institucije. One zahtijevaju planiranje, implementaciju i monitoring na nivou cijele institucije (Fakulteta/Univerziteta/Islamske zajednice). Taktičke aktivnosti iz stava (4) obuhvataju srednjeročne aktivnosti – planiranje i koordiniranje projekata na nivou Fakulteta/Univerziteta/Islamske zajednice kojima se strateške odluke prevode u konkretne akcije. Operativne aktivnosti iz stava (4) obuhvataju kratkoročne, svakodnevne aktivnosti koje su usmjerene na realizaciju taktičkih planova sa specifičnim zadacima i ograničenim resursima.

(6) Bodovanje aktivnosti iz stava (2) ovog člana vrši se na sljedeći način:

- aktivnost se vrednuje na osnovu tri kriterija iz stava (3) ovog člana na način da se za svaki kriterij dodjeljuje 1-3 boda, tako da aktivnost može biti, u zbiru, vrednovana sa maksimalno 9 bodova;
- zbirni broj bodova množi se sa odgovarajućim koeficijentom, zavisno od značaja/utjecaja aktivnosti.

(7) Komisija za dodjelu priznanja nastavnom osoblju iz člana 16. ovog Pravilnika vrši procjenu opravdanosti vrednovanja ostalih aktivnosti koje mogu biti predložene u skladu sa stavom (2) ovog člana, tačkom 36.

(8) Komisija iz člana 16. ovog Pravilnika kategorizira aktivnost kao stratešku, taktičku ili operativnu, u slučaju kada ona nije obuhvaćena ovim Pravilnikom.

#### **IV POSTUPAK FORMIRANJA LISTE DOBITNIKA PRIZNANJA I DODJELE PRIZNANJA NASTAVNOM OSOBLJU**

##### **Član 15.**

**(Prikupljanje, obrada i analiza podataka u svrhu dodjele priznanja nastavnom osoblju za godišnje razdoblje)**

- (1) Na poziv Ureda za osiguranje kvaliteta Fakulteta, nastavno osoblje unosi podatke o rezultatima nastavnog, naučnog i naučno-stručnog rada, te ostvarenoj međunarodnoj/međuuniverzitetskoj mobilnosti i doprinosu internacionalizaciji u evidencijski obrazac za registraciju podataka (dalje: Registar), odn. u elektronski sistem za evidentiranje aktivnosti nakon njegovog uspostavljanja.
- (2) Podatke o ostvarenim prosječnim ocjenama rada nastavnog osoblja, kriterijima ocjenjivanja studenata i druge relevantne podatke, Ured preuzima iz izvještaja o evaluaciji nastave koji su usvojeni na Vijeću Fakulteta.
- (3) Podatke o ocjeni mentorskog rada na doktorskom studiju Odboru dostavlja sekretar Vijeća dokorskog studija za potrebe obrade.
- (4) Stručnu obradu i klasifikaciju podataka vrše:
  - prodekan za nastavu (podaci o nastavnom radu);
  - prodekan za naučnoistraživački rad (podaci o naučnom i naučno-stručnom radu);
  - prodekan za međunarodnu saradnju (podaci o međunarodnoj mobilnosti i doprinosu internacionalizaciji),
  - prodekan za kvalitet (podaci o društvenom doprinosu).
- (5) Ured za osiguranje kvaliteta pruža administrativnu i tehničku podršku u obradi podataka, te vrši njihovu statističku obradu.
- (6) Aktivnostima iz stavova (4) i (5) ovog člana koordinira prodekan za kvalitet.
- (7) Ured za osiguranje kvaliteta može, po ukazanoj potrebi, potraživati od nastavnika/saradnika dostavljanje dodatne dokumentacije u svrhu verifikacije aktivnosti evidentiranih u Registru. U slučaju kada nastavnik/saradnik ne dostavi traženu dokumentaciju u roku od sedam dana od datuma slanja zahtjeva, Ured za osiguranje kvaliteta je ovlašten da briše aktivnost iz Registra.
- (8) Verifikacija objavljivanja rada u publikaciji koja je indeksirana u nekoj od međunarodnih baza podataka vrši se na temelju ispisa iz date baze ili dostavljanja poveznice koja omogućava pristup radu u bazi.

##### **Član 16.**

**(Komisija za dodjelu priznanja nastavnom osoblju)**


- (1) Vijeće imenuje Komisiju za dodjelu priznanja nastavnom osoblju koju čine:
  - a) prodekan za kvalitet, predsjednik (po funkciji),
  - b) prodekan za nastavu (po funkciji),
  - c) prodekan za naučnoistraživački rad (po funkciji),
  - d) prodekan za međunarodnu saradnju (po funkciji),
  - e) tri člana iz reda nastavnika/saradnika i
  - f) po jedan predstavnik studenata I i II ciklusa studija.

- (2) Predstavnici studenata iz stava (1) ovog člana sudjeluju u raspravi o aspektu nastavnog rada kandidata i glasanju o priznanju za nastavni rad.
- (3) Komisija iz stava (1) ovog člana radi na sjednicama, odluke donosi većinom glasova ukupnog broja članova Komisije i vodi zapisnik o svom radu.
- (4) Kvorum za rad Komisije iz stava (1) čini prisustvo najmanje pet članova.
- (5) Ako bilo koji član Komisije, uključujući predsjednika, bude kandidat za priznanje za višegodišnje razdoblje, dužan je izjaviti dekanu u pisanoj formi sukob interesa. Ova izjava se evidentira u protokolu Fakulteta. U tom slučaju, na prijedlog dekana Vijeće imenuje jednog ili više zamjenskih članova iz reda nastavnika Fakulteta.
- (6) U slučaju da predsjednik Komisije izjavi sukob interesa, predsjedavanje radom Komisije preuzima dekan.

#### **Član 17.**

##### **(Analiza podataka, sastavljanje preliminarne liste i usvajanje konačne liste dobitnika priznanja za godišnje razdoblje)**

- (1) Komisija za dodjelu priznanja nastavnom osoblju provodi analizu obrađenih podataka iz člana 15. ovog Pravilnika, verificira bodovanje aktivnosti nastavnog osoblja, u skladu s kriterijima ovog Pravilnika, te utvrđuje preliminaru listu dobitnika priznanja.
- (2) Kod vrednovanja aktivnosti društvenog doprinosa, Komisija utvrđuje broj bodova za konkretnu aktivnost, rukovodeći se utvrđenim kriterijima i bodovnom skalom.
- (3) Ured za osiguranje kvaliteta dostavlja članovima nastavnog osoblja Fakulteta preliminaru listu dobitnika nagrada i priznanja, ostavljajući im rok od sedam (7) dana za dostavljanje prigovora i prijedloga Komisiji za korekciju bodova.
- (4) Komisija razmatra prigovore iz stava (3) ovog člana uz mogućnost njihovog prihvatanja ili odbacivanja koje mora biti obrazloženo, te o ishodu odluke obavještava Vijeće Fakulteta.
- (5) Vijeće Fakulteta usvaja, na prijedlog Komisije, konačnu listu dobitnika priznanja nastavnom osoblju. U slučaju uočenih nedostataka, Vijeće može vratiti Komisiji listu na doradu prije njenog konačnog usvajanja na narednoj sjednici.
- (6) Uz listu dobitnika priznanja iz stava (5) ovog člana, Vijeće razmatra i usvaja preporuke za unapređenje naučnog rada, međunarodne saradnje i drugih segmenata rada Fakulteta koje Odbor za osiguranje kvaliteta može predložiti na temelju analize iz stava (1) ovog člana.



Grafikon 1. *Postupak formiranja liste dobitnika priznanja i dodjele priznanja nastavnom osoblju.*

#### Član 18.

##### (Postupak za dodjelu priznanja nastavnom osoblju za višegodišnje razdoblje)

- (1) Komisija za dodjelu priznanja nastavnom osoblju pokreće postupak pozivom nastavnom osoblju za dostavljanje prijave, uz određivanje roka.
- (2) Komisija ocjenjuje prispele prijave te može, ako je prijava nepotpuna, zatražiti dopunu prijave i odgovarajuću dokumentaciju.
- (3) Komisija svoje mišljenje i prijedlog odluke o priznanjima dostavlja dekanu na razmatranje, a dekan prosljeđuje Vijeću Fakulteta na usvajanje.
- (4) Dekan može vratiti Komisiji prijedlog odluke iz stava (3) ovog člana na dopunu/izmjenu uz obrazloženje.

#### V PRIZNANJA NENASTAVNOM OSOBLJU

#### Član 19.

##### (Priznanja nenastavnom osoblju)

- (1) Priznanje "Radnik godine iz reda nenastavnog osoblja", kao i novčana nagrada dodjeljuje se najbolje ocijenjenom radniku.
- (2) Priznanja se dodjeljuju i drugom i trećem najbolje ocijenjenom radniku, uz mogućnost novčane stimulacije u skladu s budžetskim mogućnostima.
- (3) Opći kriteriji za vrednovanje rada nenastavnog osoblja su:
  - (a) izvršavanje radnih zadataka predviđenih opisom radnog mjesta i radnim ciljevima koje za period ocjenjivanja utvrdi neposredno nadređeni,
  - (b) primjena kompetencija neophodnih za ispunjenje ciljeva rada i
  - (c) kvalitet pružene podrške nastavnom i naučno-istraživačkom procesu na Fakultetu, na osnovu semestralne evaluacije nastave/evaluacije studijskih programa i/ili ocjene kvaliteta podrške koju vrši nastavno osoblje Fakulteta.

- (3) Bliži kriteriji i postupak ocjene rada i dodjele priznanja nenastavnom osoblju uređen je Pravilnikom o ocjenjivanju rada nenastavnog osoblja Fakulteta.

## **VI POVELJA ZAHVALNOSTI**

### **Član 20. (Povelja zahvalnosti)**

- (1) Svim radnicima Fakulteta iz reda nastavnog i nenastavnog osoblja dodjeljuje se Povelja zahvalnosti prilikom penzionisanja.  
(2) Povelju iz stava (1) ovog člana priprema Sekretarijat Fakulteta.

## **VII PRIZNANJA STUDENTIMA**

### **Član 21. (Priznanje studentu za izuzetan uspjeh tokom studija)**

Priznanje dekana Fakulteta dodjeljuje se studentu:

- (a) koji je završio studijski program ostvarivši prosjek ocjena 9,50 ili viši;  
(b) dobio preporuku Vijeća Fakulteta za dodjelu priznanja.

### **Član 22. (Priznanje za najbolji studentski akademski rad)**

- (1) Priznanje dekana na najbolji studenti akademski rad dodjeljuje se:  
(a) jednom studentu prvog ciklusa studija, za seminarski rad ili istraživački projekat koji je napisan i prezentiran u prethodnoj akademskoj godini, uz sljedeće uvjete:  
- da ima prosjek ocjena na studiju, do momenta predaje rada najmanje 8,51,  
- da redovno upisuje više godine studija,  
- da priloži preporuku nastavnika naučne grane kojoj rad pripada, odn. dva ili više nastavnika naučnih grana, ako je rad interdisciplinarne naravi;  
(b) jednom diplomiranom student drugog ciklusa studija za završni (magistarski) rad;  
(c) jednom diplomiranom studentu trećeg ciklusa studija za doktorsku disertaciju.  
(2) Prijedlog za dodjelu priznanja iz stava (1) ovog člana podnosi student – autor rada Komisiji iz člana 24. ovog Pravilnika.

### **Član 23. (Priznanje za izniman uspjeh u javnom djelovanju)**

Dekan može dodijeliti priznanje studentu pojedincu ili grupi studenata za izniman uspjeh u javnom djelovanju (međunarodna takmičenja, sportska takmičenja, humanitarni/ dobrovoljni rad, organizacija važnih skupova) i promoviranju ugleda Fakulteta.

### **Član 24. (Komisija za dodjelu priznanja studentima)**

- (1) Vijeće imenuje stalnu Komisiju za dodjelu priznanja studentima koju čine:  
(a) prodekan za nastavu, predsjednik,  
(b) šef Studentske službe i  
(c) student-prodekan.

- (2) Komisija iz stava (1) ovog člana radi na sjednicama, odluke donosi većinom glasova i vodi zapisnik o svom radu.

## **VIII PRIZNANJA DRUGIM POJEDINCIMA I ORGANIZACIJAMA**

### **Član 25.**

#### **(Priznanje drugim pojedincima i organizacijama)**

- (1) Odlukom Vijeća Fakulteta, na prijedlog dekana, može se dodijeliti priznanje alumnisti Fakulteta, drugom pojedincu ili organizaciji za izniman doprinos finansiranju, djelovanju, ugledu i promociji Fakulteta.
- (2) Priznanje iz stava (1) ovog člana dodjeljuje se u obliku zahvalnice.
- (3) Broj priznanja iz stave (1) ovog člana nije ograničen.
- (4) Pojedinci i organizacije koje primaju priznanje iz stava (1) ovog člana trebaju udovoljavati i kriterijima njegovanja islamskih moralnih i akademskih vrijednosti.
- (5) Fakultet će uspostaviti i voditi registar priznanja iz ovog člana.

### **Član 26.**

#### **(Komisija za dodjelu priznanja alumnistima, drugim pojedincima i organizacijama)**

- (1) Vijeće Fakulteta imenuje, na prijedlog dekana, komisiju za dodjelu priznanja alumnistima, drugim pojedincima i organizacijama koja se sastoji od tri člana:
- (a) prodekan za međunarodnu saradnju, predsjednik,
- (b) prodekan za finansije i
- (c) predsjednik Komisije za rad sa alumnistima.
- (2) Komisija iz stava (1) ovog člana radi na sjednicama, odluke donosi većinom glasova i vodi zapisnik o svom radu.

## **IX DODJELA PRIZNANJA**

### **Član 27.**

#### **(Uručenje priznanja )**

- (1) Priznanja uručuje dekan Fakulteta u pravilu na svečanoj sjednici Vijeća povodom obilježavanja Dana Fakulteta.
- (2) Priznanja mogu biti uručena i u drugim prilikama, uključujući redovne sjednice Vijeća.
- (3) Ako je dobitnik priznanja dekan, priznanje uručuje Predsjednik Upravnog odbora, a u slučaju njegovog odsustva priznanje dekanu uručuje jedan od prodekana.

## **X ZAVRŠNE ODREDBE**

### **Član 28.**

#### **(Praćenje primjene Pravilnika)**

- (1) Fakultet će pratiti i analizirati efekte primjene ovog Pravilnika, te iste po uočenoj potrebi revidirati.
- (2) Prva analiza bit će urađena tri (3) godine nakon stupanja na snagu Pravilnika.

**Član 29.**  
**(Stupanje na snagu)**

Ovaj Pravilnik stupa na snagu sedam dana nakon objavljivanja na web stranici Fakulteta.



Broj:03-3-1032/25

Datum: 04. 9. 2025. godine

Na osnovu člana člana 27., a u vezi sa članovima 181. i 186. Pravila Fakulteta islamskih nauka, a na prijedlog Komisije za izradu normativnih akata, Vijeće Univerziteta u Sarajevu- Fakulteta islamskih nauka na svojoj 11. redovnoj sjednici održanoj dana 04. 9. 2025. godine donosi:

## ODLUKU

### I

Vijeće Fakulteta usvaja Pravilnik o priznanjima Univerziteta u Sarajevu –Fakulteta islamskih nauka.

### II

Pravilnik o priznanjima Univerziteta u Sarajevu –Fakulteta islamskih nauka čini sastavni dio ove Odluke.

### III

Dekan Fakulteta će uputiti Pravilnik o priznanjima na saglasnost Upravnom odboru Fakulteta.

### IV

Odluka stupa na snagu danom donošenja, a Pravilnik se primjenjuje nakon pribavljenje saglasnosti Upravnog odbora, 7 (sedam) dana od dana objave na web stranici Fakulteta.



DEKAN FAKULTETA:

Prof. dr. Mustafa Hasani

Dostaviti:

- Upravnom Odboru Fakulteta
- Komisiji za izradu normativnih akata
- web stranica Fakulteta
- uz Zapisnik
- a/a

Akt obradila: Nura Hodžić, Stručna saradnica za pravne i administrativne poslove  
Akt kontrolisao: Muamer Starhonić, Sekretar Fakulteta



Broj: 01-1-1269-1/25  
Datum 13. 10. 2025.

Na osnovu člana 24. Pravila Fakulteta Islamskih nauka Univerziteta u Sarajevu i Odluke Vijeća Fakulteta o usvajanju Pravilnika o priznanjima Univerziteta u Sarajevu-Fakulteta islamskih nauka, Upravni odbor Fakulteta islamskih nauka na svoj 15. redovnoj sjednici, održanoj 3. 10. 2025. godine, daje:

## SAGLASNOST

### I

Upravni odbor Fakulteta daje saglasnost na tekst Pravilnika o priznanjima Univerziteta u Sarajevu-Fakulteta islamskih nauka.

### II

Zadužuje se dekan Fakulteta da Pravilnik iz člana I ove odluke dostavi Upravi za obrazovanje i nauku i Upravi za pravne i administrativne poslove Rijasetu Islamske zajednice u Bosni i Hercegovini.

### III

Odluka stupa na snagu danom donošenja

## O b r a z l o ž e n j e

Zbog potrebe za uspostavljanjem jasnih kriterija za dodjeljivanje formalnih priznanja Univerziteta u Sarajevu-Fakulteta islamskih nauka, Vijeće Fakulteta je na prijedlog Odbora za osiguranje kvaliteta usvojilo Pravilnik o priznanjima. Prema Zakonu o visokom obrazovanju Kantona Sarajevo, Fakultet je dužan pratiti naučni i istraživački rad akademskog osoblja, te ovaj opći akt uređuje ovu materiju. Imajući u vidu prethodno navedeno, Upravni odbor je dao svoju saglasnost na ovaj opći akt i odlučio kao u dispozitivu.

Dostaviti:

- 1 x Rijaset, Uprava za obraz. i nauku
- 1x Odbor za osiguranje kvaliteta
- 1 x a/a



Predsjednik Upravnog odbora

Dr. Enes Ljevaković